

UDHËZIM I PËRBASHKËT
Nr. 1181, datë 30.10.2017

**PËR NGRITJEN DHE FUNKSIONIMIN E REGJISTRIT ELEKTRONIK TË
SUBJEKTEVE QË MARRIN MASA SHITESË TË SIGURISË PUBLIKE**

Në mbështetje të pikës 4, të nenit 102, të Kushtetutës së Republikës së Shqipërisë dhe të pikës 2, të nenit 5, të ligjit nr. 19/2016, “Për masat shtesë të sigurisë publike”, ministri i Brendshëm dhe Komisioneri për të Drejtën e Informimit dhe Mbrojtjen e të Dhënave Personale

UDHËZOJNË:

1. Ngritjen e regjistrit elektronik për evidentimin dhe administrimin e të dhënave të subjekteve që marrin masa shtesë të sigurisë publike, sipas modelit bashkëlidhur këtij udhëzimi, si pjesë përbërëse e tij.

2. Regjistri elektronik shërben si bazë të dhënash qendrore dhe vendore, për subjektet që marrin masa shtesë të sigurisë publike, dhe administrohet nga Policia e Shtetit.

3. Ky regjistër përmban të dhënat e përcaktuara në pikën 1, të nenit 5, në nenet 6, 8, 9, 15 dhe 16, të ligjit nr. 19/2016, “Për masat shtesë të sigurisë publike” dhe është vetëm për përdorim të brendshëm të strukturave të Policisë së Shtetit sipas parashikimeve të ligjit nr. 19/2016, “Për masat shtesë të sigurisë publike”.

4. Komisioneri për të Drejtën e Informimit dhe Mbrojtjen e të Dhënave Personale ka akses me të drejtë leximi në regjistrin elektronik për përmbushjen e detyrimeve të përcaktuara në ligjin nr. 19/2016, “Për masat shtesë të sigurisë publike”, dhe në legjislacionin në fuqi për mbrojtjen e të dhënave personale.

5. Mënyra e regjistrimit dhe administrimit të të dhënave të subjekteve që marrin masa shtesë të sigurisë publike, si dhe funksionimi i regjistrit elektronik përcaktohen sipas procedurave standarde të miratuara nga Drejtori i Përgjithshëm i Policisë së Shtetit.

6. Ngarkohen strukturat përgjegjëse të Drejtorisë së Përgjithshme të Policisë së Shtetit dhe Komisioneri për të Drejtën e Informimit dhe Mbrojtjen e të Dhënave Personale për zbatimin e këtij udhëzimi.

Ky udhëzim hyn në fuqi pas botimit në Fletoren Zyrtare.

MINISTRI I BRENDSHËM
Fatmir Xhafaj

KOMISIONERI PËR TË DREJTËN E INFORMIMIT DHE MBROJTJEN
E TË DHËNAVE PERSONALE
Besnik Dervishi

RREGISTËR PËR SUBJEKTET QË MARRIN MASA SHITESË TË SIGURISË PUBLIKE

[illegible]